


Injil untuak anak-anak
hadiah

Pajalanan-
pajalanan Paulus
yang mambuek
tacangan



Ditulih oleh: Edward Hughes

Diilustrasikan oleh: Janie Forest
Alastair Paterson

Diadaptasi oleh: Ruth Klassen

Diterjemahkan oleh: Yulia Anggraini

Diproduksi oleh: Bible for Children
www.M1914.org

©2023 Bible for Children, Inc.

Lisensi: awak punyo hak manyalin atau mancetak carito iko,
salamo awak indak manjual nyo.




Paulus dan Silas, palayan-palayan
Yesus, barado dalam
panjaro. Indak, mereka
indak mangarajoan yang
salah, Mereka mausia
setan kalua dari
surang padusi. Mereka
manunjuakan pujaan yang
disambah urang-urang yang
tingga di
Filipi,
kuaso yang
batua dari
Tuhan dan
AnakNyo Yesus.




Sabab itulah mereka
ditahan, dicambuik,
dan dikunci dalam
panjaro.




Mungkin kalian
manyangko kalau
Paulus dan Silas
manjadi berang dan
indak sanang. Tapi
mereka indak
bantuak itu.



Nyatonyo, pado
tengah malam urang
itu tagak dan
manyanyian lagu-lagu
pujian untuak Tuhan.
Para tahanan yang
lain dan para panjago
panjaro mandanga
suaro mereka.



Tibo-tibo, Nyanyian baranti. Tuhan mangiriman
GAMPO BUMI untuak mangguncangan panjaro.
Sado pintu tabukak. Satiok rantai yang
mambalanggu urang-urang itu talapeh.





Oh - oh! Para panjago panjaro yakin kalau kasado tahanan malarian diri dalam kakacauan itu. Kalau satu urang sajo yang malarian diri, panjago panjaro itu akan dihukum mati. Dengan sadiah, panjago panjaro yang malang itu mancabuik kalua padangnyo, inyo ampia sajo mambunuah dirinyo surang dan salasailah sadonyo.




Tapi Paulus Kalua dan mamakiak, "Jan manyakikan dirimu surang. Kami sadonyo ado disiko," Katiko panjago panjaro itu mancaliaknyo, inyo bakato, "Tuan apo yang harus aku karajoan supayo aku salamaik?" Jawek urang-urang itu "Picayolah ka Tuhan Yesus Kristus dan kau akan salamaik, kau dan sado keluargamu," panuah jo sukocito,



panjago
panjaro
picayo ka
Yesus.





Bisual harinyo Paulus
dan Silas di lapehan dari
panjaro, Sasudah itu
urang-urang itu maadoan
pajalanan ka kota-kota
yang lain. Mangecek ka
sado urang tantang
Yesus. babarapo urang
picayo, yang lain
mancubo menyakiti
urang-urang itu.






Tapi Tuhan taruih basamo palayan-palayanNyo. Suatu malam, Paulus bacaramah salamo bajam-jam, surang anak mudo yang duduak di tapi jendela yang tabukak talalok dan jatuhah. Kalian bisa bayangkan apo yang tajadi.




Satiok urang tau kalau anak mudo itu alah maningga. Tapi Paulus pai kalua dan mamaluak inyo dan bakato, "Inyo masih iduik," Urang-urang itu mambawo anak mudo itu dalam kaadaan iduik, dan urang-urang itu sangaik sanang.



Paulus dan Silas mempunyoi banyak patualangan dalam pajalanan mereka ka Eropa. Salah satu dari patualangan Paulus yang paliang gadang tajadi katiko inyo ado di ateh kapa. Itu bukanlah kapa masin, tapi kapa layar, jadi sangaik gampang di ombang-ambiangn oleh badai disekitarnyo.







diateh kapa karano inyo ditahan
baliak. Kini inyo harus dikirim ka kaisar di Roma,
Kota paliang gadang di dunia. Angin yang gadang
baambuih, lambek-lambek mambanaman kapa itu.
bantuaknyo cuaca sedang barangin. Itu adolah
pajalanan yang buruak untuak Paulus dan tahanan-
tahanan lainnyo, bahkan untuak para awak kapa.



"Saudara-saudara, aku liek
pajalanan ko akan mandatangan
kasusahan dan karugian yang
gadang," Pulus maingekan.
Kapten kapa itu
indak mandanga
kecek Paulus.
Urang-urang
itu tatap
balayar.




Katiko badai manyarang, urang-urang
itu mancubo mangabek kapa itu
arek-arek jo harapan kalau hal
itu bisa manjago kapa dari
bahayo kaancuran. Kalau
kapa itu pacah, mako
aia akan mangubua
kasadonyo.



Kapa itu diombang-ambiang dengan hebat, sesudah itu kapten kapa mamarintahan saticok urang untuak manolong mangurangi baban kapa itu.

Pado hari katigo, urang-urang itu mambuang alaik-alaik kapa ka lua. Mungkin itu bisa saketek

manolong.



Pado malam hari, surang malaikaik tagak dakek Paulus dan mangecekan kalau sadonyo akan elok-elok sajo. Yang lain taibua katiko Paulus bakato, "Sabab itu tabahan lah hatimu, saudara-saudara! karano aku picayo ka Allah, Kalau kasadonyo pasti tajadi bantuak yang dinyatoan kapadoku. Tapi kita musti maampehan kapa ko ka satu pulau."



Babarapo hari sasudah itu, kapa taanyuik sampai ka dakek pulau Malta. Kapa itu manabrak batu dan tabalah. Kapten mamarintahan sado urang yang bisa baranang untuak malompek kalua kapa dan baranang ka daratan. Para tawanan salamaik, sabagian manggunoan papan dan sabagian manggunoan pacahan-pacahan kapa.



Di Malta, Allah manunjuakan
kuasoNyo. Katiko urang-urang
itu bakumpua di parapian. Saikua
ula beludak manggigik Paulus.
Urang-urang bapikia kalau inyo
akan maningga. Tapi gigikan
ula beludak itu indak
malukoinyo.



Sasudah itu urang-urang itu
bapikia kalau Paulus adolah
Tuhan. Banyak urang datang,
dan Tuhan manyambuahan
urang-urang itu sasudah
Paulus badoa untuak mereka.




Akhirnyo, Paulus tibo di Roma. Diparaluan wakatu duo tahun untuak maadili pakaronyo. Salamo manunggu wakatu pangadilan itu, Paulus manyeo sabuah rumah dan manarimo tamu-tamu. Apokah kalian tau apo yang dikatoan Paulus ka para tamunyo? Karajaan Allah!

Tuhan Yesus Kristus!
Paulus malayani Tuhan
Di Roma, Samo bantuak pajalanan yang lain.



"Aku alah manyalasaian patandiangnan yang elok, aku alah mancapai garih akhir dan aku alah mamaliaro iman," Paulus manulih dari Roma. Alkitab indak mancaritoan baa iduiknyo barakhir, tapi catatan yang lain mangatoan kalau Paulus di pancuang kapalonyo karano parintah Kaisar Nero, Paulus maningga



bantuak wakatu inyo iduik,
palayan Tuhan ynag panuah
iman, dan mangatoan kapado
urang lain tantang
Yesus Kristus.



Pajalanan-pajalanan
Paulus yang mambuek tacangan

Sabuah carito dari firman tuhan, Injil

Didapekan di

Kisah Para Rasul pasal 16, 27, 28

"Jalan masuak firman-firmanNyo mambarikan
cahayo." Mazmur 119:130



Tamat



Injil bacarito kapado kito tentang Tuhan kito nan sangaik hebat, nan manciptakan kito, dan Baliau andak awak mangenal-Nyo.

Tuhan tau kito mangarajokan nan indak elok, nan Beliau katoan doso. Hukuman babuek doso ialah mati, tapi Tuhan sangaiklah cinto kapado awak, Baliau mautuih anak semato wayang-Nyo, Yesus, untuak mati disalib dan dihukum ateh dosonyo surang. Sasudah itu Yesus iduik baliak, dan babaliak ka rumah, di sarugo! Apobilo awak picayo kapado Yesus, dan maminto-Nyo untuak mamaafkan doso-doso awak, Baliau andak mambueknyo! Baliau andak tibo dan iduik di dalam diri awak surang, dan awak andak iduik basamo-Nyo salamonyo.

Jiko awak picayo bahwo iko ialah sabuah kebenaran, kecekan iko kapado Tuhan: Ya Yesus, Ambo picayo bahwo Engkau ialah Tuhan, dan manjadi saurang manusia nan mati untuak doso awak, dan kini Engkau iduik baliak. Ambo mohon tibo ka dalom iduik awak dan maafkan doso-doso awak, sahinggo ambo mandapek kahidupan nan baru, dan suatu hari isuak bisa basamo-Nyo salamonyo. Tolong ambo untuak mamatuhi Engkau dan iduik untuak Engkau sabagai anak Engkau. Amin.

Baca Injil dan berbicara dengan Tuhan setiap hari! John 3:16

